



Arkivnr: 2017/453-1
Saksbehandlar: Bjarte Molvik

Saksframlegg

Saksgang

Utval	Saknr.	Møtedato
Utval for opplæring og helse		07.02.2017
Fylkesutvalet		22.02.2017

Rehabilitering - ombygging - mindre tilbygg i skulesektoren - budsjettfordeling nr. 1 -2017

Samandrag

I budsjettet for 2017 er det løyvd 75 millionar kroner til rehabilitering / ombygging / mindre tilbygg i skulesektoren.

I denne saka rår ein til at det vert fordelt 9 million kroner til ombygging for Media og kommunikasjon ved Arna vgs, 2,25 million kroner til sluttfinansiering av prosjekt ved Slåtthaug vgs og 1 million kroner til dokumentasjon med meir av tiltak knytt til universell utforming.

Forslag til innstilling

Fylkesutvalet godkjenner fordeling av midlar til rehabilitering/ombygging/mindre tilbygg i skulesektoren i 2017 som skissert i saksutgreiinga, og at det vert gjort følgjande budsjettendringar:

K.stad	Art	Prosj.	Tekst	Meirutg./ mindreinnt.	Mindreutg./ meirinnt.
10	637.020.00	02300	02154 Arna vgs. - Omb. media og kommunikasjon.	9 000 000	
10	633.020.00	02300	02148 Slåtthaug vgs. - Ventilasjon og varme	2 250 000	
10	777.025.00	02300	00209 Universell utforming - Dokumentasjon	1 000 000	
10	777.021.00	02320	03000 Rehab. / omb./ tilbygg		12 250 000
				12 250 000	12 250 000

Rune Haugsdal
fylkesrådmann

Jostein Fjærestad
Eigedomsdirektør

Saksframlegget er godkjent elektronisk og har derfor inga underskrift.

Vedlegg

- 1 Universell utforming - status handlingsplan for fylkeskommunale bygg med anlegg og uteområde i 2016

Fylkesrådmannen, 18.01.2017

I budsjettet for 2017 er det løyvd 75 millionar kroner til rehabilitering / ombygging / mindre tilbygg i skulesektoren.

I denne saka rår ein til at følgjande tiltak får prioritet / auka løyving:

Arna vgs - Tilrettelegging for Media og kommunikasjon

Skulebruksplanen stadfester at tilbodet om Media og kommunikasjon skal være ein del av tilbodet ved den samanslåtte skulen i Arna. Tilbodet er vidare vedtatt flytta frå dagens lokalisering i Tunesvegen. Nytt lokale skal være klar til hausten 2017, og i FT-sak 113/2016 er det difor gjort vedtak om å selje eksisterande lokale på Tunes.

Det er utarbeidd ei overordna skisse for skulen der dei ulike funksjonane til skulen er plassert. Ein ser at det kan være mogleg å samle heile skulen på ein stad, men ei vidare vurdering i forhold til dette krev eigen prosess og egne vedtak.

Nye areal for media og kommunikasjon er i planen plassert i underetasjen i lokale som tidlegare vart nytt til TIP undervisning. For å få klar lokale til hausten 2017 er det behov for å starte opp snøggast råd. Ein rår difor til at dette prosjektet vert prioritert, og at det vert løyvd 9 million kroner til tilrettelegging / ombygging.

Slåtthaug vgs. - Ventilasjon og varme

Det er tidlegare løyvd til saman 3 million kroner til prosjektet. I samband med siste løyvinga i FU-sak 245/2016 er det opplyst at ein må kome attende til fullfinansiering i 2017.

Arbeida er i full gang, men i samband med byggeløyve har kommunen tatt stort omsyn til innspel frå Byantikvaren. Innspelet gjer at ventilasjonsrommet på tak er flytta lengre bort frå sveiseverkstaden enn opphavleg planlagt. Konsekvensen av dette er lengre føringsvegar, omprosjektering av tekniske installasjonar og meir omfattande byggearbeid. Av bygningsmessige tiltak må ein mellom anna forsterke eksisterande bygg i forhold til endra lokalisering.

Basert på kalkyle legg ein til grunn at det er behov for ytterlegare 2,25 million kroner for å fullfinansiere prosjektet.

Universell utforming - dokumentasjonsarbeid

Fylkeskommunen har gjennom fleire år satsa mykje midlar på å utbetre eksisterande bygningsmasse med bakgrunn av vedteke mål om universell utforming. Ein viser her til vedlagte oversyn over gjennomførte tiltak og kva tiltak som står att.

Vidare har ein vedteke at informasjon om temaet skal være allmeint tilgjengeleg gjennom nettstaden "Bygg for alle". Dette er ein nettstad kor ein finn informasjon om tilgjenge til offentlege bygg. Oppdatering av denne nettportalen har likevel ikkje vore innarbeida som ein del av dei einskilde investeringsprosjekta / nybygga. Ein ser at det er viktig at også dette blir utført som ein del av prosjekta. Vidare bør ein slette opplysningar i basen om bygg som er seld eller supplere informasjonen der den er mangelfull. Ein rår og til at det som ein del av dette arbeidet og vert utarbeid rutine for framtidig prosjekt og sikring av dokumentasjon, samt gjort ei konkret vurdering knytt til gjenstående arbeid.

Samla kostnad er uviss, men ein rår til at det i denne omgang vert løyvd 1 million kroner til formålet.